


于闐縣志

图整库

2916


地610.41

39



光緒三十三年十一月

日署知縣賀家棟



于闐縣志

乙巳清和之朔

學杉黃熾署

歷史

本境沿革



查于闐縣係光緒九年始置未置本境以前周秦以上無可考自漢孝武時張騫通西域于闐之名始見於書唐辯機西域記云匈奴謂之于遁諸胡謂之豁旦印度謂之屈丹俗謂之渇那梵書謂之瞿薩旦那譯言地乳也元史又謂之幹端然此皆今之和闐非今之于闐也今之于闐治克里雅西域圖考以為即古之扞彌又為甯彌後漢書作拘彌或又以古戎廬國當之要之今之縣境柔延三千餘里實包有古且末縣屬極東卡牆有河今拘彌戎游歷者多指為且末河廬小宛渠勒今縣西策勒村有驛名渠勒驛諸國之地不過城郭淪沒今昔形勢不同耳

考漢書且末國王治且末城扞彌國王治扞彌城戎廬國王治卑品城小宛國王治扞零城渠勒國王治鞬都城蓋當時各置君長未通中國以前役屬匈奴所謂匈奴西邊日逐王置僮僕都尉使領西域賦稅諸國是也諸國之中惟扞彌稍大有三千二百餘戶餘皆百數十戶或數百戶而小宛戎廬渠勒又辟南不當孔道故不嘗見於史自貳師將軍伐大宛西域內屬武帝始置校尉領護之宣帝時鄭吉迎日逐王至漢始改都護僮僕都尉由此罷哀平間自相分割王莽之亂西域遂絕東漢建武中中國初定未遑外事莎車王賢方強攻滅諸國兩破拘彌四年于闐王廣德誘殺賢後遂更相攻伐小宛戎廬且末為鄯善所併渠勒為于闐所統見於東

漢西域志者惟拘彌而已自建武至於延光西域三絕三通順帝永建四年于闐王放前殺拘彌王興自立其子陽嘉元年敦煌太守徐由遣疏勒王臣槃擊于闐破之更立興宗人成國為拘彌王靈帝熹平四年于闐王安國攻拘彌殺其王戊己校尉西域長史各發兵輔立拘彌侍子定興為王時人眾裁有千口是漢之末造拘彌雖有王亦幾不能立國矣魏晉之間不見於史東晉安帝義熙中法顯游天竺由敦煌度流沙經鄯善至于闐今和已繞道烏犇即馬者非復漢時經鄯善且未精絕至拘彌故道蓋其時國勢已有變遷魏太武太延二年吐谷渾酋慕延利西入于闐殺其王自真君三年慕延利還吐谷渾其國乃定而伽藍記載宋雲至鄯善其城

立王為吐谷渾縣境之地實介於鄯善之西于闐之東是元魏之世又為吐谷渾所併也隋開皇中西域諸國役屬西突厥無大君長大業以後磧道復閉遂空其地唐辯機西域記云東至瞿薩旦那國此係元奘自印度回逾葱嶺由莎車至和城東三百餘里大荒澤中絕無藥草敗軍之地也戰地東行三十餘里至婁摩城即今克此國北曷勞落迦城今為大堆阜婁摩川即克里東里入沙磧行二百餘里至尼壤城在大澤中今縣東二百餘里有尼雅莊再東沙磧中尚有廢城遺址疑即此瞿薩旦那東境之關防也從此東行入大流沙沙則流漫聚散隨風人行無迹遂多迷路行四百餘里至覩貨羅故國西域圖考國久空曠城皆云此恐誤荒蕪從此東行六百餘里至折摩馱那故國即濕末地也濕末即且末轉音城郭

歸然人烟斷絕記中所紀其地皆在今之縣境即此證之是隋唐之際已

成甌脫矣唐高宗顯慶中西域大通移安西都護府於龜茲以于闐為畋

沙亦作昆沙都督府與龜茲碎葉疏勒為四鎮統於都護縣境隸屬于闐分置

城鎮唐書云于闐東三百里有建德力河河東有建德力城亦曰拘彌即

甯彌故城又地理志云度且末河五百里至播仙鎮故且末城也高宗上

元中改名又西經悉力支井祆井勿遮水五百里至于闐東蘭城守捉又

西經移杜堡彭懷堡坎城守捉三百里至于闐皆今之縣境也蓋唐初已

蕪至是又復之耳儀鳳中于闐陷於吐蕃武后長壽中復立國考唐吐蕃

入西域西則假途勃律大勃律即今之巴拉提在博洛爾回部南山之南

為克里雅通後藏之路似當時其地亦為吐蕃所擾中葉以後人迹遂稀

石晉高居晦使于闐記云又西度陷河西域圖考云此且末河伐檉置水中以渡又

西至紺州于闐所置也在沙州西南又西行二百里至于闐以道里考之

五季時又為紺州之地矣入宋自太祖建隆至哲宗元祐以後雖于闐朝

貢不絕而本境建置紀載無傳南渡後于闐役屬西遼遼亡屬乃蠻入元

為阿魯忽分地然事獨詳於于闐蓋此地久統於于闐故無分見之事可

考耳元末鄰國交侵民人哀耗明初酋長尚為元裔中葉以後遂為回部

于闐舊國改稱和闐分置回莊回堡縣治之克里雅及西鄉策勒村南鄉  
塔克努喇村皆屬焉我

朝康熙中併於準部

上諭所稱準噶爾攻取回子千餘城是其地亦在內也乾隆二十三年大小和卓木之叛將軍兆惠公使伯克鄂對撫和闐及黑水之圍賊據克里雅齊爾拉塔克三城明年四月我兵至定其地遂隸版圖於和闐設辦事大臣一員協辦一員轄回子城村六克里雅城策勒村塔克努喇村即六城之三也克里雅設四品阿奇木伯克五品採鉛伯克六品哈資伯克七品哈爾魯克莊密喇布伯克七品哈爾魯克莊明伯克各一員策勒村設四品阿奇木伯克六品哈資伯克七品密喇布伯克七品明伯克各一員塔克努喇村設四品阿奇木伯克六品哈資伯克各一員分理回務惟不專生

四

殺道光六年張格爾之亂和闐白帽回應之七年收復和闐八年裁協辦同治間安酋乘土客各回之叛竄踞南疆光緒初王師勘定全疆大

學士左公宗棠以從前治民之官少治兵之官多建議故設郡縣為久安長治之計巡撫劉公錦棠奏以和闐設直隸州於哈拉哈什設于闐縣隸於州後改駐克里雅分克里雅明策勒村明塔克努喇村明三普拉明謂千為明蓋以謂千為明蓋以千戶為一明也隸之裁阿奇木伯克等缺縣治舊有漢城回城之稱其實未建城郭二十八年增改新疆郡縣劃三普拉明分隸洛浦而幅頓遼濶全疆諸邑猶莫之與京焉


政績錄

自古循良之吏莫多於東漢然皆在任日久或終身不去其官故得盡其所長若更調頻仍雖有賢者亦將展布不暇况視厥期如傳舍欲求有所表見難矣本境於光緒九年始設縣置官以前地方諸事悉委頭目並無政績可紀設縣後官斯土者前後十餘輩其中非無廉能之吏徒以在任日淺多湮沒無聞惟署知縣孫志焄兩任於茲為日較多于民感戴至今稱道弗置按志焄初任以光緒十七年十月到官十九年七月去任後任以二十三年四月到官二十五年二月去任任內惠政甚多其最著者可為約舉縣屬罕蘭溝一帶向多曠土因水源缺乏棄未墾種志焄為之疏

五

通渠道導引山泉灌溉有資人爭闢地於是舊日汙萊十年之間盡成沃壤此興利之大端也于闐產金承平時挖金之夫原有額課兵燹後金夫逃亡改設縣治仍照舊額攤派各戶民承納有課無業經手頭目又從而浮收勒索不堪擾累志焄為請豁免即以罕蘭溝新墾升科地銀抵補民間積累永除公帑仍無虧損此去害之大端也于闐地廣人多雀角鼠牙無時不有而爭訟草湖之案尤極繁難纏文字據既難盡憑窮荒界址亦多不確辦理最多輾轉動輒纏訟數官不能了結志焄每遇民間爭訟草湖近則親往履勘遠則派人確查斷結之後為之繪圖具結鈐蓋印信交兩造各執一紙剖判詳悉界劃分明故志焄斷結草湖之案雖歷多年未

有復翻者化大為小化小為無于民暗受其福此聽訟之大端也此外薄賦稅免差徭懲刁徒興義學勸農桑教樹植在任之日無不孜孜講求惟恐不及民不能忘亦良有以古之遺愛庶幾近之



兵事錄

自古中國用兵西域武功之盛莫於漢唐而兵事多詳於他境本境介在鄯善于闐兩國之間用兵之事多係牽連而及自後磧道阻閉本境遂成荒僻兵事更稀有元拓地最廣以幹端三部即于闐葉爾羌喀什噶爾為阿魯忽分地阿魯忽反屢征幹端兵亦未至本境我

朝乾隆中回疆隸入版圖迭經叛亂

天戈所指本境亦不煩兵力而定蓋僻處一隅聲威震懾望風景附勢使然也茲採自漢以來與兵事相涉者節錄其畧於左

漢孝武時貳師將軍李廣利伐大宛還過扞彌扞彌遣太子賴丹質於龜

七

茲廣利以賴丹入至京師昭帝以賴丹為校尉屯田輪臺龜茲貴人姑翼教王殺賴丹宣帝時長羅侯常惠使烏孫還發諸國兵攻龜茲責其罪龜茲王執姑翼以謝惠斬之東漢建武中莎車王賢方強盛攻破拘彌殺其王而立其兄子建武末賢徙拘彌王橋塞提為大宛王康居數攻之橋塞提亡歸賢復以為拘彌王歲餘召殺之遣將守其國明帝永平三年于闐大人都末殺其將大人休莫霸復殺都末自立為于闐王與拘彌國人攻殺莎車將在皮山者賢死之後更相攻伐小宛精絕戎廬且末為鄯善所併渠勒皮山為于闐所統悉有其地休莫霸死兄子廣德立新破莎車雄張南道班超至于闐廣德禮意甚疏且其俗信巫巫言神怒何故向漢漢

使有馬急取以祠我廣德遣使請馬超令巫自來取斬其首送廣德因讓之廣德惶恐降超時龜茲王建據有北道破疏勒立龜茲人兜題為王超從間道至疏勒遣吏田慮劫縛兜題立故王兄子忠為王肅宗初即位詔超還至于闐王侯以下皆號泣抱超馬脚不得行超更還疏勒建初三年超率于闐拘彌等國兵攻姑墨石城破之順帝永建四年于闐王放前殺拘彌王興自立其子為王遣使貢獻帝令歸拘彌不肯陽嘉六年敦煌太守徐由遣疏勒王臣槃擊于闐破之更立興宗人成國為拘彌王桓帝元嘉元年長史趙評在于闐病癱死評子迎喪經拘彌成國謂于闐王令胡醫毒死評子告敦煌太守馬達明年王敬代為長史達令敬覈其事故過

拘彌成國復說敬因罪誅建敬貪功至于闐斬建侯將翰焚攻敬殺之欲自立國人又殺之而立建子安國靈帝熹平四年安國攻拘彌大破之殺其王死者甚眾戊己校尉西域長史各發兵輔拘彌侍子定興為王時人眾裁有千口此漢時與本境相涉兵事之大畧也

元魏太武太延二年高涼王那討吐谷渾其酋慕延利西入于闐殺其王太延五年平涼州沮渠無諱走敦煌遣其弟安周擊鄯善王比龍比龍走且末其子應安周詔萬度歸發涼州兵討之考魏書吐谷渾傳地兼且末今縣境以東為且末故地是元魏時本境嘗有東與高涼西與于闐連兵之事也

唐辯機西域記云瞿薩旦那城東三百餘里大荒澤中數十頃地絕無蘗草其土赤黑聞諸耆舊曰敗軍之地也昔者東國軍師百萬西伐瞿薩旦那王亦整齊戎馬數十萬眾東禦強敵至於此地兩軍相遇因即合戰西兵失利乘勝殘殺虜其王殺其將誅戮士卒無復孑遺流血染地其迹斯在戰地東行三十餘里至婁摩城按戰地在今縣境元奘西遊在唐貞觀其事當在唐前雖所叙未詳錄之亦見時地盛衰之殊焉

唐儀鳳中吐蕃陷于闐按唐吐蕃入西域有兩道東則取道甘涼西則假途勃律唐書所稱吐蕃云我非取爾國假道攻四鎮爾是也

四鎮見前大勃律

即今之巴拉提在博洛爾回部南山之南今縣南有地名普羅似即勃律

九

博洛爾之轉音普羅山之南有路通巴拉提及後藏之招正土人相傳其地尚有唐時都督駐兵遺迹是本境在唐時為西域與吐蕃構兵必爭之要隘矣

譯考回書云回教之祖摩哈默特無子以女妻同祖兄子兒札提阿里生二子曰亦麻木玉遜亦麻木艾山玉遜異母兄瑪哈麥特兒尼白生子瑪哈麥特阿札里由本國麥德拿糾合塔什干浩罕等處之兵征服喀什噶爾阿克蘇各城轉戰和闐在克里雅河岸戰敗兵潰身死遂葬其處纏語謂此為博謂戰敗為瓦子因名其地為博瓦子猶言此係戰敗之地也後修卡房纏語呼為闐干又名博瓦子闐干年久遂成村落今縣南有博瓦

子闡于莊並阿札里之墓即其地也事在一千二百四年以前即回歷一  
百二十一年後二十七年為回歷一百四十八年玉遜曾孫結比沙大克  
以兵取喀什噶爾進攻和闐戰不利敗走敵軍追之至一沙山為重圍所  
困遂遇害後人就其處築塚即今之尼雅麻札是也結比沙大克八傳至  
四亦麻木曰拉斯勒敦曰卡瓦勒敦曰摩爾勒敦曰卓黑勒敦於結比沙  
大克戰歿二百四十二年後自木達英國似即報達國之轉音起兵收喀什噶爾以  
玉素普卡底罕阿支為帕夏回音稱自率兵進葉爾羌葉爾羌之人皆穴居  
亦迎降亦麻木以葉爾羌為總匯之地進取和闐路經一處居民有降者  
有逃者因名其地為固莽固莽者猶華言有來有不來也今皮山縣亦名固瑪即固莽之

十

轉音抵和闐相持久之敵始棄城遁追入山谷沿水而行經一石城似在今  
恰哈敵於城中預設疑兵軍不敢過後覺其詐乃進追敵人於山隘設伏  
要截將卒死亡殆盡四亦麻木亦被害玉素普聞信始自喀什噶爾來收  
葬焉即今努勒村東之細黑喇莊麻札是也按阿札里事似在唐開元之  
末結比沙大克事當在唐肅宗時四亦麻木之事則在宋真宗遼聖宗之  
代書中所叙敵人有漢人有蒙古有已從回教之人惜纏文稱人名不能  
詳確無從與正史考證耳

康熙五十八年六月四川總督年羹堯疏言西藏諸部落人人有相吞併  
意聞策零敦多卜現今左哨頭目春丕勒率兵六百餘過喀什噶爾往

青海又聞發兵八千來藏已至葉爾羌克勒底雅雍正元年六月青海羅布藏丹津將由克勒底雅入藏松潘鎮總兵周瑛選精騎三百貝勒康濟鼐帶番兵萬餘由楊八景追至噶勒藏骨岔阻雪乃止推此紀傳是國初準部由回疆擾藏叛酋由青海竄藏亦嘗取道本境即唐吐蕃入西域之路也

乾隆二十二年大軍定伊犁釋大和卓木波羅尼都還喀什噶爾留小和卓木霍集占在伊犁理回務阿睦爾撒納之叛霍集占助之阿逆敗霍集占逃歸葉爾羌將軍兆惠公遣副都統伊敏圖往招撫霍集占自疑阻與兄波羅尼都各據城叛回眾皆靡惟庫車拜城阿克蘇之阿奇木伯克鄂

十一

對等奔伊犁各城響應二十三年六月我軍殲賊前隊於托和鼐又敗之於鄂根河賊棄庫車遁兩和卓木奔阿克蘇和闐舊伯克霍集斯不納給令赴烏什亦不納於是小和卓木奔葉爾羌大和卓木奔喀什噶爾兆惠公遣侍衛齊凌札布噶布舒及鄂對往招和闐降其六城及黑水被圍霍集占遣黨阿不都克勒木等六百餘人往來和闐侵犯城池齊凌札布等分守伊里齊哈拉哈什玉隴哈什三城賊黨鄂斯滿復據克里雅策勒村塔克努勒村三城附賊二十四年三月賊復取哈拉哈什黑水圍解師還阿克蘇先遣副都統巴圖齊爾哈爾瑚爾起等往援值大霧掩擊斬賊渠阿不都海里克及霍集雅斯於陣餘黨遁各城悉復四月副將軍富德公

抵和闐六城之眾壺漿以迎六月我軍分道進討北蕙公由烏什取喀什噶爾富德公由和闐取葉爾羌兩和卓木棄城逾葱嶺西遁奔巴克達山為其汗素爾坦沙擒斬之函首以獻回部平

波羅尼都之子薩木克逃匿教罕

即霍罕亦作浩罕

有三子次張格爾以誦經祈

福假和卓木之名斂財煽眾糾布魯特寇邊道光二年官兵出塞掩之不遇殺游牧之布魯特其酋汰列克恨甚率眾助張格爾追困官兵於山谷殲焉賊遂猖獗六年六月張格爾率安集延布魯特五百餘由開齊山突至拜其先和卓木之墓回人所謂麻札也距喀什八十餘里各回響應旬日萬計遂陷西四城偪渾巴什河距阿克蘇四十里我軍渡河為營賊再

十二

攻再敗東四城始安十月大兵集阿克蘇和闐伯克伊敏等縛獻偽帥及和闐大臣舊印初回部有白黑二種白帽為霍集占支派張格爾據喀什後虐脅黑回故和闐有獻城之役會冬雪封山兵不能進復為白回所陷七年二月大軍進剿乘勝抵喀什噶爾張格爾已先遁三月五日參贊楊公遇春復英吉沙十六日復葉爾羌提督楊公芳以兵六千剿和闐賊黨亦以是日破賊五千於城外禽斬王努斯遂復和闐各城十二月將軍長齡公密遣黑回出卡誘賊張格爾復率黨入卡襲喀什城知有變拏出卡楊公芳率兵追至喀什鐵蓋山擒之賊遂平

同治初陝回肇亂甘回繼起關內外遍地賊氛新疆因之瓦解亂北路者

為安得璘索煥章兩逆賊黨皆陝甘客回亂南路者為安集延會帕夏阿古柏賊黨皆其部屬安集延本教罕八城之一教罕為俄人所併帕夏狡黠能用眾率黨東竄適喀什噶爾有回目金相印等之叛遂竊踞喀什獨吐魯番以西回部望風皆靡即吐爾扈特等種人換防弁兵亦多附之迨安得璘為其所敗降於安集延於是帕夏闖入北路新疆幾成異域十二年關內肅清大軍追白彥虎出關光緒二年盪平北路三年幫辦軍務大臣劉公錦棠乘勝攻克達坂城吐魯番兩城連復東四城是時和闐回目呢牙斯已受撫帕夏已死其子伯克胡里猶保西三城呢牙斯聞官軍西進率眾圍葉爾羌應官軍伯克胡里留黨阿里達什守喀什噶爾自率

五千騎擊呢牙斯敗之遂併踞和闐前喀什噶爾守備何步雲率滿漢弁兵據漢城反正伯克胡里乃棄和闐走英吉沙回保回城劉公錦棠分兵復喀什噶爾回城自率馬步進葉爾羌取英吉沙飭提督董福祥收復和闐分兵徇克里雅各城搜捕餘匪於是全疆底定

光緒二十二年西甯叛回劉四伏等被勦率黨由青海柴達木竄擾安敦玉一帶喀什噶爾提督張公俊以縣境之東卡牆有路通敦煌羅布淖爾恐賊乘虛闖入蹂躪和于富庶之區議遣兵赴卡牆防堵會劉四伏就擒伏誅餘眾乞撫議遂寢然安不忘危有備無患不得謂其僻陋遂忘狡馬思逞之害也故併錄之以備籌邊者之考鏡焉

本境向無旗戶漢人多係僑寓為數寥寥且往來無定土著之民惟有纏回皆阿剌白種也按光緒三十二年查報戶口數目城關四鄉計大小男丁四萬一千五百八十五人女口四萬四千八百五十二人纏回雖有白種黑種之分惟向止有名而無姓氏又無宗族其氏族及世系實難稽考故姑從畧至宗教則漢晉之間西域古本為佛國崇信佛教東晉沙門法顯佛國記云于闐國人民殷盛皆奉法僧數萬人大大乘學家家門前皆起小塔最小者高二丈餘法顯欲觀行像停三月日四月一日城裏灑掃道路莊嚴巷陌城門上張大幃幕王及夫人嫫女皆住其中離城三四里

十四

作四輪像車高三丈餘狀如行殿像立車中作諸天侍從像去門百步王脫天冠易新衣徒跣持華香出城迎像散花燒香入城時門樓上夫人嫫女遙散眾花一僧伽藍行像一日至十四日行像乃訖城西七八里有僧伽藍高二十五丈彫文刻鏤金銀覆上眾寶合成塔後佛堂莊嚴妙好非言可盡嶺東六國諸王所有上價寶物多作供養讀此可知當日佛教之盛矣至回教之起實萌芽於隋唐而盛於元以後至明季而天山以南遂為回部阿剌伯者又作亞刺伯亦作阿拉伯回教之祖國也唐史之大食元史之天方明史之默加即麥加又作墨克默德那又作麥德拿亦作美地拿皆其國地地近紅海在葱嶺以西數千里其教祖曰摩哈默特唐史作摩訶末明史作謨罕葛德又作馬哈麻西人萬國志作摩哈木皆係一人

以陳宣帝大建四年生於默加幼孤不識字年四十業高勇而智寓言受神託排斥當時阿拉伯之多神偶像教即佛及耶蘇三位一體說之三神

教而倡純然一神之教遷於默德拿於唐高祖武德四年立國紀元不出

十年全國盡信奉其教又擴其勢力於國外紀元十年摩哈默特死代之

者為其義父又作妻父亞伯敗堪又次為瓦瞞皆能繼摩哈默特之志以傳教

及戰爭攻伐為事五十年間東自印度西至大西洋皆為回教所統治後

又踰葱嶺而東其分支至本境之始末已詳兵事錄唐代宗為元帥嘗用

其兵收兩京遼聖宗曾降以公主元史有回回軍明史哈密傳亦有回種

是唐宋以後內地久已布居摩哈默特二十六傳有瑪墨特者當明之末

十五

與其兄弟分適各國自默德拿遷喀什噶爾羣以聖裔奉之適厄魯特方

強盡執元裔回部舊汗遷居天山以北於是回部各城始有回會回教既

興釋教遂偏於西藏此宗教之源流也其教以摩哈默特為宗尊為派罕

巴爾專敬天神能起默德拿朝摩哈默特之墓者稱為阿吉以道死為獲

神祐故富室多傾產以行其經名曰可蘭通曉經典之人曰阿洪俗信阿

洪凡遇婚喪諸事非阿洪不敢自專凡立書契券約等事非有阿洪蓋用

摹記不信然今之阿洪通曉經典者絕少不獨有名無實甚且罔利營私

愚民甘受其欺其迷惑有如此者文字橫行自右而左能書繕者為毛拉

人皆以一技目之不甚重也城鄉皆有禮拜寺大小不一經營禮拜寺者